

«ТАСДИҚЛАНГАН»

Ўзбекистон Республикаси
акциядорлик тижорат Халқ банки
Кенгашининг
2016 йил 22 08 даги
170 - сонли қарори

Банк Кенгаши Раиси

Р.С. Азимов

2016 й. « »



М.ў.

«РЎЙХАТДАН ЎТКАЗИЛГАН»

Қимматли қоғозлар бозорини
мувофиқлаштириш ва ривожлантириш
Маркази

Бош директори

Б.А. Атаханов

2016 й. «29» сентябр № Р0824-9

М.ў.



**ҚЎШИМЧА АКЦИЯЛАР ЧИҚАРИЛИШИ
ТЎҒРИСИДАГИ ҚАРОР**

Эмитент – Ўзбекистон Республикаси акциядорлик тижорат Халқ банки

Идентификация рақами берилди:

R	U	1	0	9	P	0	8	2	4	R	5
---	---	---	---	---	---	---	---	---	---	---	---

Эгасининг номи ёзилган, хужжатсиз (нақдсиз) шаклдаги, номинал қиймати 1.000,0 (бир минг) сўм бўлган 54.000.000 (эллик тўрт миллион) дона умумий қиймати 54.000.000.000,0 (эллик тўрт миллиард) сўмлик оддий акциялар.

Акциялар ёпиқ обуна усулида жойлаштирилади.

АКЦИЯЛАРНИНГ УШБУ ЧИҚАРИЛИШИ ТЎҚҚИЗИНЧИ ЧИҚАРИЛИШДИР.

Тасдиқланган: Ўзбекистон Республикаси акциядорлик тижорат Халқ банки Кенгашининг 22 08 2016 й. 170-сонли қарори билан,
Ўзбекистон Республикаси акциядорлик тижорат Халқ банки Кенгашининг акциялар чiqарилиши тўғрисидаги 170-сонли қарори асосида 22 08 2016 й.

Эмитентнинг жойлашган жойи, почта манзили, мулоқот телефонлари ва электрон почта манзили:

Ўзбекистон Республикаси, 100000, Тошкент шаҳри, Амир Темур шоҳ кўчаси, 3.
Тел.: (0-371) 120-17-00, 120-17-86, 120-17-87.
Электрон почта: info@xb.uz.

БОШҚАРУВ РАИСИ

БОШ БУХГАЛТЕР

М. ў.



А.Н. Абдуллаев

А.А. Рашидов

Сана: 2016 й. «22» 08

1. Ушбу чиқарилишдаги эгасининг номи ёзилган акциялар тури (оддий ёки имтиёзли): оддий акциялар.

2. Ушбу акциялар чиқарилишининг шакли: эгасининг номи ёзилган ҳужжатсиз (нақдсиз).

3. Ушбу чиқарилишдаги акцияларнинг номинал қиймати (сўм): 1.000,0 (бир минг) сўм.

4. Ушбу чиқарилишдаги акцияларнинг сони (дона): 54.000.000 (эллик тўрт миллион) дона.

5. Ушбу чиқарилишнинг умумий ҳажми (сўм): 54.000.000.000,0 (эллик тўрт миллиард) сўм.

6. Ушбу чиқарилишдаги акциялар эгаларининг ҳуқуқлари:

Банкнинг оддий акциялари акциядорларга Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида» ги Қонунининг 26, 27 ва бошқа моддаларида назарда тутилган ҳуқуқларни беради.

Банк акциядорлар қуйидаги ҳуқуқларга эга:

- Банк акциядорлари реестрига киритилиш;
- депо ҳисобварағидан ўзига тааллуқли кўчирма олиш;
- Банк фойдасининг бир қисмини дивидендлар тарзида олиш;
- олинган дивидендлардан эркин равишда фойдаланиш;
- Банк тугатилган тақдирда, ўзларига тегишли улушга мувофиқ мол-мулкнинг бир қисмини олиш;
- Акциядорларнинг умумий йиғилишларида овоз бериш орқали Банкни бошқаришда иштирок этиш;
- Банкнинг молия-хўжалик фаолияти натижалари тўғрисида белгиланган тартибда ахборот олиш, бундан банк сирини ташкил қилувчи маълумотлар мустасно;
- қимматли қоғозлар бозорини тартибга солиш бўйича ваколатли давлат органида, шунингдек, судда ўз ҳуқуқларини ҳимоя қилиш;
- ўз манфаатларини ифодалаш ва ҳимоя қилиш мақсадида уюшмаларга ва бошқа нодавлат нотижорат ташкилотларига бирлашиш;
- қимматли қоғозларни сотиб олиш вақтида зарар кўриш ва фойданинг бир қисмини йўқотиш эҳтимоли билан боғлиқ таваккалчиликни суғурталаш.

Шунингдек, акциядорлар Ўзбекистон Республикасидаги амалдаги қонунчилик ва Банк уставидagi назарда тутилган бошқа ҳуқуқларга ҳам эгадирлар.

7. Ушбу чиқарилишдаги акцияларнинг олинишига нисбатан жамият уставидagi ва/ёки чиқарилиш тўғрисидаги қарордаги ҳар қандай чеклашлар:

Ўзбекистон Республикаси Президентининг 2015 йил 25 мартдаги "Ўзбекистон Республикаси Давлат-тижорат Халқ банкининг капиталлашув даражасини янада ошириш чора-тадбирлари тўғрисида"ги ПҚ-2325-сонли қарорига мувофиқ чиқарилаётган акцияларнинг 29.000.000 донаси Ўзбекистон Республикаси Молия вазирлигига ҳамда 25.000.000 донаси Ўзбекистон Республикаси Марказий банкига жойлаштирилади.

8. Жамият устав капиталининг миқдори (сўм):

Банкнинг устав капитали миқдори 262.000.000.000,0 (икки юз олтмиш икки миллиард) сўм.

9. Илгари жойлаштирилган акциялар сони (турлари бўйича тақсимланган ҳолда кўрсатилади):

262.000.000 (икки юз олтмиш икки миллион) дона оддий эгасининг номи ёзилган ҳужжатсиз шаклдаги акциялар жойлаштирилган.

10. Илгари жойлаштирилган корпоратив облигациялар сони (турлари ва кўринишлари бўйича тақсимланган ҳолда кўрсатилади):

Банк томонидан илгари корпоратив облигациялар жойлаштирилмаган.

11. Ушбу чиқарилишдаги акциялар жойлаштирилишининг шартлари ва тартиби.

11.1. Ушбу чиқарилишдаги акциялар жойлаштирилишининг усули (очиқ ёки ёпиқ обуна):

Ўзбекистон Республикаси Президентининг 2015 йил 25 мартдаги "Ўзбекистон Республикаси Давлат-тижорат Халқ банкининг капиталлашув даражасини янада ошириш чора-тадбирлари тўғрисида"ги ПҚ-2325-сонли қарорига мувофиқ ушбу чиқарилишдаги акциялар ёпиқ обуна орқали банк акциядорлари ўртасида жойлаштирилади.

Чиқарилаётган акцияларнинг 29.000.000 (йигирма тўққиз миллион) донаси Ўзбекистон Республикаси Молия вазирлигига ҳамда 25.000.000 (йигирма беш миллион) донаси Ўзбекистон Республикаси Марказий банкка жойлаштирилади.

11.2. Ушбу чиқарилишдаги акциялар жойлаштирилишининг муддати:

Акциялар чиқарилиши Ўзбекистон Республикаси Давлат рақобат қўмитаси ҳузуридаги Қимматли қоғозлар бозорини мувофиқлаштириш ва ривожлантириш Марказида рўйхатга олинган кундан бошлаб 1 (бир) йил давомида жойлаштирилади.

Акцияларни жойлаштириш бошланиш санаси – мазкур қарор рўйхатдан ўтган кун.

Акцияларни жойлаштиришни тугатиш санаси – охириги акцияни жойлаштириш куни, лекин акциялар чиқарилиши давлат рўйхатига олинган кундан бошлаб 1 (бир) йилдан ошмаган муддатда.

11.3. Ушбу чиқарилишдаги акциялар жойлаштирилишининг тартиби:

Ушбу чиқарилишдаги акциялар ёпиқ обуна орқали Ўзбекистон Республикаси Молия вазирлигига ҳамда Ўзбекистон Республикаси Марказий банкка Ўзбекистон Республикасининг қонунчилигида белгиланган тартибда жойлаштирилади.

Мазкур эмиссия доирасида чиқарилган акциялар жойлаштирилишида андеррайтерларни жалб қилиш кўзда тутилмаган.

11.4. Қимматли қоғозлар марказий депозитарийси ва қимматли қоғозларга бўлган ҳуқуқларни ҳисобга олишни амалга оширувчи инвестиция воситачисининг ташкилий-ҳуқуқий шаклини ўз ичига олган тўлиқ фирма номи, жойлашган жойи, почта манзили, телефони:

Номи: «Қимматли қоғозларнинг марказий депозитарийси» Давлат корхонаси.

Ташкилий ҳуқуқий шакли: Давлат унитар корхонаси.

Жойлашган жойи: Тошкент ш., Миробод тумани, Бухоро кўчаси, 10.

Почта манзили: 100000, Тошкент ш., Миробод тумани, Бухоро кўчаси, 10, тел: 236-14-34, факс: 233-13-57, электрон почта манзили (e-mail): info@deponet.uz, веб-сайти: www.deponet.uz.

11.5. Ушбу чиқарилишдаги жойлаштирилаётган акцияларни олишга бўлган имтиёзли ҳуқуқни амалга ошириш тартиби:

Ушбу чиқарилишдаги жойлаштирилаётган акцияларни олишга бўлган имтиёзли ҳуқуқни қўлланилиши кўзда тутилмаган.

11.6. Ушбу чиқарилишдаги акциялар баҳоси (баҳолари) ёки жойлаштириш баҳосини белгилаш тартиби:

Ушбу чиқарилишдаги акцияларнинг жойлаштириш баҳоси – 1.000,0 (бир минг) сўм.

11.7. Акцияларни тўлаш шартлари ва тартиби:

Қўшимча чиқариладиган 54.000.000.000,0 (эллик тўрт миллиард) сўмлик акцияларнинг 29.000.000 дона бўлган 29.000.000.000,0 сўмлик акциялар Ўзбекистон Республикаси Молия вазирлигига ва 25.000.000 дона бўлган 25.000.000.000,0 сўмлик акциялар Ўзбекистон Республикаси Марказий банкка жойлаштирилади. Тўловлар Ўзбекистон Республикаси Президентининг 2015 йил 25 мартдаги "Ўзбекистон Республикаси Давлат-тижорат Халқ банкининг капиталлашув даражасини янада ошириш чора-тадбирлари тўғрисида"ги ПҚ-2325-сонли қарорига мувофиқ амалга оширилади.

11.8. Ушбу акциялар чиқарилиши амалга олмаган деб топилган тақдирда эмитент томонидан акциялар тўлови сифатида олинган воситаларни қайтариш тартиби:

Акциялар чиқарилиши амалга олмаган деб топилган тақдирда, акциялар чиқарилиши амалга олмаган деб топилган кундан бошлаб акциялар учун тўланган пул маблағларини 5 (беш) банк иш куни мобайнида белгиланган тартибда қайтаради.

12. Эмитент томонидан қимматли қоғозлар чиқарилиши (қўшимча чиқарилиши) тўғрисидаги ахборотни Ўзбекистон Республикаси қонун ҳужжатларига мувофиқ ошкор қилиш тартиби:

Қўшимча акциялар чиқарилиши тўғрисидаги қарорнинг асл нусхаси ва нусхалари билан Тошкент шаҳри, Амир Темур шоҳ кўчаси, 3 манзилда ҳамда Банкнинг www.xb.uz веб-сайтида танишиш мумкин.

Шунингдек, қўшимча акциялар чиқарилиши тўғрисидаги ахборот Қимматли қоғозлар бозорини тартибга солиш бўйича ваколатли давлат органининг расмий сайтига жойлаштирилади (www.openinfo.uz).

Банк томонидан акцияларнинг чиқарилиши тўғрисидаги ахборот ушбу чиқариш давлат рўйхатидан ўтгандан сўнг қонунчиликда белгиланган тартибда ва муддатларда амалга оширилади.

13. Бошқа маълумотлар.

Банкнинг ташкилий-ҳуқуқий шакли - Акциядорлик жамияти.

Жойлашган жойи: Ўзбекистон Республикаси, Тошкент шаҳри, Амир Темур шоҳ кўчаси, 3.

Тўлиқ почта манзили: Ўзбекистон Республикаси, 100000, Тошкент шаҳри, Амир Темур шоҳ кўчаси, 3.

Электрон почта манзили (e-mail): info@xb.uz.

Веб-сайти: www.xb.uz.